

Na osnovu člana 2.12 stav 5. Izbornog zakona Bosne i Hercegovine („Službeni glasnik Bosne i Hercegovine“, broj: 23/91., 7/02., 9/02., 20/02., 25/02., 4/04., 20/04., 25/05., 52/05., 65/05., 77/05., 11/06., 24/06., 32/07., 33/08., 37/08., 32/10., 18/13, 7/14), Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj: 9/10., 37/10., 74/11. i 3/16), Odluke o objavljivanju javnog oglasa za imenovanje 4 (četiri) člana Gradske izborne komisije Tuzla („Službeni glasnik grada Tuzla“, broj 5/2015) i zaključka Gradskog vijeća Tuzla o ponavljanju Javnog oglasa za imenovanje jednog člana Gradske izborne komisije broj: 01-05-107-2016/17 od 20.01.2016. godine, Gradsko vijeće Grada Tuzla, objavljuje

PONOVLJENI JAVNI OGLAS za imenovanje 1 (jednog) člana Gradske izborne komisije Tuzla

I

Objavljuje se ponovljeni javni oglas za imenovanje 1 (jednog) člana Gradske izborne komisije Tuzla.

Članove Gradske izborne komisije Tuzla imenuje Gradsko vijeće Tuzla, uz saglasnost Centralne izborne komisije Bosne i Hercegovine, na period od 7 (sedam) godina. U skladu sa Izbornim zakonom Bosne i Hercegovine i Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini, osoba koja je kandidat za člana Gradske izborne komisije, treba ispunjavati slijedeće opće uvjete:

- da je osoba sa pravom glasa;
- da je osoba sa odgovarajućom stručnošću i iskustvom u provođenju izbora.

II

1. Pored općih uvjeta iz predhodne tačke ovog Javnog oglasa, osoba koja je kandidat za člana Gradske izborne komisije Tuzla mora ispunjavati i slijedeće posebne uvjete:

- VSS (visoka stručna sprema), završen pravni fakultet ili fakultet društvenog smjera (VII/1 stepena stručne spreme ili odgovarajućeg stepena po ranijem ili važećem Bolonskom sistemu obrazovanja) ili VŠS, završenu višu školu (VI/1 stepena stručne spreme ili odgovarajućeg stepena po ranijem ili važećem Bolonskom sistemu obrazovanja);
- da posjeduje iskustvo u provođenju izbora.

2. Pod iskustvom u provođenju izbora, podrazumijeva se:

- a) članstvo u izbornoj komisiji;
- b) članstvo u biračkom odboru;
- c) rad u stručnim organima koji su pružali pomoć u provođenju izbora ili
- d) objavljivanje stručnih i naučnih radova iz oblasti izbora.

3. Izuzetno od odredbi člana II stav 1. alineja 2. član izborne komisije može biti osoba sa VII/1 stepenom stručne spreme i drugog smjera ukoliko posjeduje iskustvo u radu izborne komisije u trajanju od najmanje dvije godine od stupanja na snagu Izbornog zakona Bosne i Hercegovine.

4. Izuzetno od odredbi člana II stav 1. alineja 3. član izborne komisije može biti osoba koja ima VSS (visoku stručnu sprema -završen pravni fakultet.

III

1. Sastav Gradske izborne komisije treba biti multietičan, tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou.

2. Sastav Gradske izborne komisije će u pravilu odražavati ravnopravnu zastupljenost spolova. U sastavu Gradske izborne komisije sukladno članu 2.2.stav 3. Izbornog zakona BiH, osigurat će se da broj članova manje zastupljenog spola bude 40% od ukupnog broja članova.

3. Napominjemo da u sastavu Gradske izborne komisije Tuzla, nedostaju kandidati iz reda Bošnjačke nacionalnosti i kandidati muškoga spola.

IV

Sukladno odredbi člana 2.3 Izbornog zakona Bosne i Hercegovine, za člana Gradske izborne komisije ne može biti imenovana osoba:

- koja se ne može kandidirati u smislu odredaba članova 1.6 , 1.7 i 1.7a Poglavlje I Izbornog zakona Bosne i Hercegovine
- koja je član najvišeg izvršno-političkog tijela političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);

- koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav 4. Poglavlje II Izbornog zakona Bosne i Hercegovine;
- koja je izborni kandidat za bilo koji nivo vlasti;
- kojoj je u posljednje četiri godine izrečena kazna za radnju koja predstavlja težu povredu izbornog zakona ili propisa, za koji je osobno odgovorna, računajući od dana pravosnažnosti odluke.

V

Član Gradske izborne komisije NE može biti zastupnik, odnosno punomoćnik političkog subjekta, koji učestvuje na izborima, ili lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže.

VI

Uz prijavu na ovaj ponovljeni Javni oglas potrebno je dostaviti sljedeću dokumentaciju:

1. prijavu na ponovljeni javni oglas
2. kraću biografiju sa osobnim podacima kandidata (ime, prezime, ime oca, jedinstveni matični broj, adresa, broj telefona za kontakt, podaci o kretanju u službi, **obavezna naznaka nacionalne pripadnosti, obavezna naznaka da li se radi o kandidatu muškog ili ženskog spola**);
3. ovjerenu fotokopiju lične karte;
4. ovjerenu fotokopiju diplome o završenom stepenu i vrsti stručne spreme;
5. dokaz o posjedovanju iskustva na provođenju izbora (potvrda Gradske izborne komisije, rješenje o imenovanju ili drugi dokaz iz tačke II.2 Javnog oglasa);
6. svojeručno potpisanu i od strane nadležnog organa ovjerenu izjavu o nepostojanju smetnji iz člana 2.3. Izbornog zakona Bosne i Hercegovine, odnosno da osoba koja je kandidat za člana Gradske izborne komisije:
 - nije osoba koja se ne može kandidirati sukladno članu 1.6 , 1.7 i 1.7a Poglavlje I Izbornog zakona BiH
 - nije osoba koja je član najvišeg izvršno-političkog tijela političke stranke ili koalicije (predsjednik. potpredsjednik, generalni sekretar, sekretar ili član izvršnog odbora ili glavnog odbora);
 - nije osoba, koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav 4. Poglavlje II Izbornog zakona Bosne i Hercegovine;
 - nije izborni kandidat za bilo koji nivo vlasti u Bosni i Hercegovini;
 - nije osoba, kojoj je u posljednje četiri godine izrečena kazna za radnju koja predstavlja težu povredu izbornog zakona ili propisa, za koji je osobno odgovorna, računajući od dana pravosnažnosti odluke;
7. svojeručno potpisanu i od strane nadležnog organa ovjerenu izjavu o nepostojanju smetnji iz tačke 5. ovog javnog oglasa, odnosno da osoba, koja je kandidat za člana Gradske izborne komisije NIJE zastupnik, odnosno punomoćnik političkog subjekta, koji učestvuje na izborima, ili lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže.

VII

Prijave na javni oglas dostavljati u zatvorenoj koverti sa naznakom „PONOVLJENI JAVNI OGLAS ZA IMENOVANJE JEDNOG (1) ČLANA GRADSKO IZBORNE KOMISIJE - NE OTVARAJ“ na sljedeću adresu:

GRADSKO VIJEĆE GRADA TUZLA
KOMISIJA ZA IZBOR I IMENOVANJA
ZAVNOBiH-a 11, 75 000 TUZLA

Za sve dodatne informacije možete se obratiti na telefon 035 307-485 (Slađana Krajina).

Ponovljeni Javni oglas ostaje otvoren 8 (osam) dana od dana objavljivanja.

Nepotpune i neblagovremene prijave neće biti uzete u razmatranje.

Po zatvaranju ponovljenog javnog oglasa, Komisija za izbor i imenovanja Gradskog vijeća Grada Tuzla će pregledati dokumentaciju, a sa kandidatima čije su prijave blagovremene i potpune, obaviti će se intervju, nakon čega će se sačiniti rang lista sa redoslijedom kandidata, prema uspjehu postignutom na intervjuu.

Predmet intervju bit će poznavanje Izbornog zakona Bosne i Hercegovine.

Napomena:

Javni oglas će biti objavljen u listu „Oslobođenje“ i na web stranici Grada Tuzla www.grad.tuzla.ba